

ուսմարութեան հայրական հոգածութիւնը» գրուածելու համար եւ ապա՝ ոչ ոքի համար գաղտնիք չէր, որ պատերազմի անյաջողութիւնից դազանացած վրացական իշխանութիւնը կանգ չէր առնում մինչեւ անգամ մարդկանց լռելու իրաւունքը բռնաբարելու խայտառակութեան առաջ...

Պէտք է աւելացնել նաեւ, որ այդ օրերին ոչ միայն Վրաստանի հայերի, այլ եւ օտարացեղ ղեմոկրատ տարրերի համակրանքն էլ Հայաստանի կողմն էր: Որովհետեւ եթէ նրանք ամէնքն էլ չգիտէին, թէ Ժորղանիայի կառավարութիւնը ինչ պայմաններում եւ ի՛նչ պայմաններով էր գրաւել Հայկական Բորչալուն, որի համար դէնքեր էին ձօճուում, յամենայն դէպս ամէնքն էլ գիտէին, որ այդ գաւառում վրացիներ չկային, եւ որ վրացական զօրքերի դիմաց, առաջին գծերի վրայ, հայ զիւղացիներն էին կանգնած: Այս հանգամանքը, ինչպէս հաւատացնում էր մեզ Ջուղելին Պոլսի բանակցութիւնների ժամանակ, չափազանց ճնշիչ տպաւորութիւն էր թողնում մինչեւ անգամ վրացական շատ շրջանակների վրայ:

Արդ, այսքա՛ն բնական, այսքա՛ն հիմնաւորուած մի համակրանք, որ Վրաստանի հայերն ունէին դէպի Հայաստանը, կարո՞ղ էր պատճառ նկատուել նրանց դէմ հալածանքներ սկսելու: Ի հարկէ ոչ: Նա չէր կարող պատճառ նկատուել ոչ միայն Ժորղանիայի կառավարութեան համար, որ ղեմոկրատական եւ մինչեւ անգամ սոցիալիստական հովեր ունէր, այլ եւ մի սովորական բուրժուական կառավարութեան համար, որ մարդկայնօրէն ընդունակ է մարդկային տրամադրութիւնները բարձրանելու:

Այլ բան է, եթէ այդ համակրանքը պատերազմի ժամանակ արտայայտուի գործնական ձեւով՝ վնասելով երկրի իշխանութեանը կամ նրա բանակին եւ, ընդհակառակը, օգնելով հակառակորդ կողմին: Այս դէպքում եթէ ղեմոկրատիկ եւ սոցիալիստական կառավարութիւնը որոշ տատանումներ էլ ունենայ՝ բուրժուական կառավարութիւնը ոչ մի տատանում չի ունենայ իր լսխտի հարուածը իջեցնելու, անգամ եթէ դիմացը մի ամբողջ ժողովուրդ կանգնած լինի: Բայց կարո՞ղ են

«պատերազմական անհրաժեշտութեան» մասին խօսողները մատնանշել մի հատիկ փաստ, մի հատիկ ակտ, որ դար ապացուցանելու, թէ Վրաստանի հայկական զանգուածը այնպիսի ընթացքի մէջ է եղել, այսինքն՝ գործնական աջակցութիւն է ցոյց տուել Հայաստանին կամ խանգարել վրաց կառավարութեան եւ նրա զօրքի առաջադրութիւնները:

Վճռականապէս պնդում ենք՝ չեն կարող: Ձենք ժխտում, որ Հայկական Բորչալուի հայ զիւղերը, որոնք պատերազմից յետոյ էլ մնացին վրացական իշխանութեան տակ՝ հէնց սկզբից Լոռուայ ապստամբների հետ էին: Եւ քանի որ խօսքը պատերազմի մասին է, թէկուզ եւ անարդար պատերազմի՝ թերեւս կարելի լինէր աչք գոցել, որ վրաց կառավարութիւնը խիստ միջոցների դիմեց՝ այդ զիւղերը հնազանդութեան մէջ պահելու համար՝ պայմանով, ի հարկէ, որ այդ խտութիւնները չհասնէին մինչեւ անմեղ մարդկանց թալանելու եւ կանանց բռնաբարելու: Ձենք ժխտում նմանապէս, որ բուն Վրաստանում էլ կարող են եղած լինել անհատ հայեր, որոնք թշնամական, մինչեւ իսկ դաւաճանական գործեր կատարած լինին վրաց կառավարութեան եւ զօրքի դէմ՝ թէպէտեւ կարծում ենք, որ եթէ այսպիսի անհատներ լինէին՝ դաւաճանութեան դէմ հրատարակուած օրէնքը կը գործադրուէր նրանց վերաբերմամբ, եւ հանրութիւնը կ'իմանար դաւաճան հայերի եւ նրանց գործերի մասին: Բայց այս բոլորով հանդերձ նորից պնդում ենք, որ Վրաստանի հայկական զանգուածը եւ յատկապէս այն զանգուածը, որ հարիւրներով ու հազարներով որսւում էր Թիֆլիսի փողոցներում, յօգուտ Հայաստանի եւ ի վնաս Վրաստանի ռեէ ակտ, ոչ յղացել է եւ ոչ էլ կատարել:

Վրաստանում գտնուած մեր քաղաքացիները խիստ հրահանգ էին ստացել՝ թէ՛ Թիֆլիսում եւ թէ՛ այլ վայրերում կատարելապէս չէզոք մնալ պատերազմի հետ կապուած գործերում եւ միանգամայն լռելի գիւրդ պահել երկրի իշխանութեան հանդէպ: Այդ հրահանգը տուել եմ ես, Թիֆլիսի մեր դիւանագիտական ներկայացուցչութեան միջոցով, Բաթումից, ուր գտնուում էի պատերազմի սկզբին,